

宋朝大詔令集

宋朝大詔令集卷第六

帝統六

尊號冊下

體元御極感天尊道應真寶運文德武功上聖欽明仁孝皇
帝冊文 天禧三年十一月丁丑

維天禧三年歲次己未十一月癸丑朔二十五日丁丑攝太尉中書
侍郎兼吏部尚書平章事臣冠準與內文武群臣詣軍將校蕃夷
酋長僧道耆壽等上言臣聞陟泰壇肆禋享邦國之大事也崇玉稱
表茂功帝皇之盛節也惟天祐聖故珍符休命必務乎昭答惟人戴
君故鴻徽鉅典必從其欣贊我國家奮淳耀之烈襲神靈之系於皇
聖祖紹天關繹首中古之號詔萬世之法藝祖文考創業垂統爰舉
盛禮乃受丕名肆重熙之在厥本善述以昭孝奉若成憲斯惟至心

伏惟崇文廣武儀天尊道應真祐德上聖欽明仁孝皇帝陛下潛明
在躬剛健成德垂策以司契順斗而布度其用平之大智講長世之
善慈慎罰實慈助農抑末畀服彰予克儉旣食勤于俸省五兵載載
而殊方即叙至神廣運而洪化浮流保合太和安綏有截二十三載
于茲矣曩者宵極儲祉真瑞應期登封告成刻號昭性冥尋汾時大
報於坤元推尊嶽靈並濟於帝籙敷明輝耀福瑞紛沓旣而祕感冥
應飛朝夢夙悟鴻源之潛邀承淵宗之右序乃復嚴師曲里欽眾妙
之本設都睢水表與王之壤卜郊吉土以謝祝嘏厚薦冊恭館以歸
美真聖禮樂之文著矣天人之際交矣方且凝神于堦護繹照乎親
淵遠猷是經小心弗墮崇建上嗣億寧大本萬邦斯正重暉克明繇
是三恭之粵區終南之靈阜存受符書之貺誕明

禮恢儒也矧乃永懷先訓明發時思雖違易月之文終守通喪之制
戚見七廟而愴然如有聞思加九族而歡然以相睦人情大順天道
玉應三邊絕警五稼厚豐屆至景之臨冬因園丘而肆類中外臣庶
藩衛夷酋咸以為承休襲熙重烈敷耀宜享尊稱用昭眾聞而陛下
虔業抑畏載執謙慙抗對五上始降俞音夫惟睿作聖所以膺景命
也懿文經武所以紹鴻業也顯仁為明所以運群物也純孝為德所以
形萬方也臣等不勝大願奉玉冊玉寶上尊號曰聖文睿武仁明
孝德皇帝伏惟陛下徇黔首之戴荷上靈之梓躡九皇之遐蹟保四
海之永康恢一祖二宗之聖緒與天地而無疆

睿聖文武體天法道仁明孝德皇帝冊文明道二年

維明道二年歲次癸酉二月丁酉朔十一日丁未攝太尉其官呂夷
簡等上言曰臣聞宮昊之垂景命必資神睿之略以庇於方夏臣庶

之沐利澤必薦崇高之號以歸於尊極炎德初基藝祖興運造邦數
難不憚濡足神宗纂治以聖繼聖功德宏偉克格天地洎乎文考內外
平外成重明累洽禮樂大備莫不勉膺徽冊俯循群請度越乎前載
烜共於無窮洪惟尊號皇帝本神靈之系憑積累之厚享天下之富
而守以約乘天下之安而慮以危以慈若道之寶乃恤孤而賑窮以
儉者德之基故澣衣而菲食以天戒之可畏間形責躬罪已之言以
人命之至重每下欽刑慎罰之詔乾乾翼翼一紀于茲故禁鷙之俗
陶至化而面內肖翹之類被善氣以樂生歲時大順禾稼屢稔乃詢
輿議刺舊聞諱希世之儀舉盛德之事仲春令序土膏脉起闢千畝
之田展三推之制于是彤庭文武之烈業銜夷裔之長班白之老緇
黃之眾屬陳盛禮頌進鴻名中外一辭封章五上陛下矜其懇懇始
賜允俞夫智迎事解意發天合不曰睿聖乎興學招士包戈遠服不

曰文武乎居上凝命御氣生物不曰體天子執後觀如抱一無為不
曰法道乎靡惡不孚靡幽不燭不曰仁明乎竭恭致養率禮範俗不
曰孝德乎臣等不勝大願謹奉玉冊玉寶上尊號曰睿聖文武體天
法道仁明孝德皇帝伏惟陛下因率勸之志順歸報之隆繫自天之
祐極用十世之延鴻既壽而康申錫無窮

景祐體天法道欽文聰武聖神孝德皇帝冊文

景祐二年十一月乙未

維景祐二年歲次乙亥十一月辛巳朔十五日乙未攝太尉南郊大
禮使推忠協謀同德守正佐理功臣開府儀同三司行尚書右僕射
兼門下侍郎同中書門下平章事昭文館大學士監修國史東平郡
開國公食邑一萬一千戶食實封四千五百戶呂夷簡率内外文武
百官諸軍將校藩衛收伯蕃夷酋長僧道耆壽等再拜稽首上言曰
臣等聞以至公御衆者必有至公之議歸之以盛德居上者必有盛

德之事尊之歸之不可却其誠尊之無能辭其美亦猶雲蒸而施天地之相合也宮動高應律呂之相召也推於至治本乎自然是以燁赫之儀不戒而備鴻懿之號不謀而同取觀茫昧之初逮乎繩契之際司牧所暨稱謂必昭窺美大之迹稽審諦之美功由號顯號以德隆族勛重華數命甚美其來尚矣粵自炎德肇興真人協應傳繼之盛夏出百王莫不憲古御今治謀乘後乘熙洽之會順愛戴之心典冊備物為萬世法恭惟體天法道仁明孝德皇帝陛下紹累聖之緒膺十齡之期天贊慶靈日躋濬哲敷身律度昭伯禹之法惜但忠利廣有虞之愛若乃振舉廢墜講求希闕則躬執燹紹修耕籍之儀屏絕玩好虔潔祭祀則精擇美璞為標瓚之器肇新鐘律恭薦郊廟鄙申韓之法務黜煩苛宗黃老之言尊高清淨納忠聖謨而辨邪正之分念功忘過而無喜愠之色虚心應物屈己從人前疑後承以熙夫

庶績左嘉右肺以達于下情聞以蚤熯為災眾庶艱食富畏靈謫抑
損微名惟德動天其應如答尚執摛沖之旨夙申教諭之言而中外
震悚官師佛鬱今鑿網載肅治其畢張綿宇安寧含生茂遂諏升陽
之穀旦展肆類之上儀懷柔百神宗侑三后錄是大庭紳冕之列荒
服鞮譯之人麟趾茂親虎賁雄帥鯨背鯢齒之老黃冠緇販之侶咸
謂美報方畢繁祉具應想陳難奪之言願復至尊之號傾葵向日雖
極於輿情錢玉填金未昭於丕矩旅庭刻奏五上一辭陛下勉迪前
尋俯從眾欲夫祇適天命修明憲度皇猷無外光被四表欽文之謂
也講修鄰好戡濟暴亂睿知獨運燭見萬里聰武之謂也知萬物之
幾妙天下之用周流不測變化無窮聖神之謂也歲曆更號天符薦
休事汾盛唐以冠元首臣等不勝大願謹奉玉冊玉寶上尊號曰景
祐體天法道欽文聰武聖神孝德皇帝伏惟膺穹厚之眷荷祖宗之

祥異神器於安靜納天民於阜康惟億萬斯載保邦祚之無疆

寶元禮天法道欽文聰武聖神孝德皇帝冊寶元元年十一月十一日

寶元元年十一月十一日

庚戌

十一月十一日

維寶元元年歲在戊寅十一月癸巳朔十八日庚戌攝太尉南郊大禮使推忠協謀同德佐理功臣開府儀同三司門下侍郎兼兵部尚書同中書門下平章事昭文館大學士監修國史上柱國清河郡開公食邑一萬一千九百戶食實封四千六百戶臣張士遜率内外文武官并諸軍將校藩衛牧伯番夷酋長僧道耆壽等再拜稽首上言曰臣等聞王者受命上繫歲端故謹五始之元以立極天子至尊乎令臣下故總萬國之統以歸美蓋夫據圖籙之正振樞衡之寶必有典冊備物表功于無窮既以本顧誕之自又以納翰戴之誠奉時若古允繇斯準神宋肇運祖宗重熙統一增鴻克輝淳耀善襲詒法茲謂至公恭惟景祐體天法道欽文聰武聖神孝德皇帝陛下乾健離

文雷動淵默清明禹昂天光見乎表潛折幾敏德音應乎遠紹服嘉
靖勵精持循偃兵講和垂裳思治乃質故載酌先規覽推綱核名寔
論堅緒之舊靡不緝求口誦之助固有攸伏隆儒視學探書受道奮辭
摘藻星漢昭回題毫拂素龍鸞約匪徒作者之壺窠有化成之益
四見郊時中履農甸祈報之誠達陟配三后並假二廟尊親之孝展
考禮均樂教容以諧備政詳刑威賞自出定著科令辨章憲度論材
懋官則髦士進推恩卹後則世祿蕃惡比周之蠹則斥檢諧近端良
遊左右之選則固宿艾延讜直敦族糾愛合小宗於朱卹練師選將
制新書於金匱裕民絕橫賦之暴馭吏得善侵之方舜華禹勤敢或
逸豫仍歲康稔厩庾饒行遠亭晏如物無疵癘懷生蚩蚩不識烽燧
之警誦弦舞戚比屋知教獻琛擊玉喬夷面內屬陽升日至帝饗習
吉靈歡交瑞策舉繇是卿尹群辟藩熾師帥泊千夫百夫長要荒之

商都鄙之耆緇黃之侶率頌言而覲景錄成願采春秋之一元樂經
之英華洪範之思睿擬議徽懿褒合尊稱陛下高居怵然推而弗有
群臣叫閭五請始達思報可猶以祇省微貶略褒節而捐初麻至哉
聖人紓已徇下損滿教辭之旨固已比皇躬鋪帝猷不矜不怠自我
折中口等不勝大願謹奉玉冊玉寶上尊疏曰寶元禮天法道欽文
昭武聖神孝德皇帝陛下伏惟徽置器之安思守文之難翁對丕名
懋恢令聲畏天保民適觀厥成於皇萬年如日之升本支綿綿福祚
莫京

體乾膺曆文武聖孝皇帝冊文 治平四年

維治平四年歲次丁未正月庚戌朔攝太尉其官韓琦與內外文武
百寮諸軍將校藩衛牧伯群縣長吏暨夷酋長緇黃耆艾等再拜稽
首上言臣聞天地有萬物而不責其報然飛走之微必時而有薦者

以知其本也君德被萬寓而不有其名然巨辟之衆必宗而有號者以獻其誠也故報雖不責薦而知其本者天必享名雖不有涕而獻其誠者君不違是以上下之情通而古今不能以易也恭惟皇帝陛下自然之性得堯之仁不聞而式紹文之聖總百行而無不備探六藝而無不達粵在宗邸德克而晦今聞其過四海系心譬夫大明將升光氣前發萬日瞻望不可韜蔽及予膺受聖託纂隆皇緒信然三祀動謹先法奉養長樂孝惟克諧內嚴宮闈而細大必修外正紀綱而頽墜皆舉攬威權以歸已斡神化而獨運下暨縲寡志安其生至于昆蟲莫不被澤其九族之睦也俾先乎知道其百揆之序也本精乎任人若夫矩見邇臣咨訪不倦有虞之好問也抑損浮費用度日約大禹之克儉也緝熙光明而德行以顯周成之保邦也綜核名寔而賞罰必信漢宣之圖治也并會衆美嗣興太平故自舟車所通日

月所照皆奉順教無敢弗虔固足以恢四聖之闕休極百王之盛節者矣迺者肇禮吉土始見清廟祭而受福慶將逮下下之報上安可無述臣等所以合中外之志叩閭屢清請上玉稱以形容於萬一而陛下持易之謙執道之契德貫二儀而不自滿功偕八世而無所矜冲然弗居可詔不下自是輿情鬱邑更相責誚以為睿聖之烈共共如此而不能發揚而增大之是不若飛走知本之著也今三朝之吉萬玉來會重譯有貢八音在建日等幸於此時異畢前懸封奏五上莫匪傾竭陛下猶敦諭教四不得已而俞之夫道濟群生而不言所利體乾也躬膺大命而若固有之膺曆也化成天下輝光而日新文也守在四夷而兵革不試武也日用而百姓不知聖也親寧而萬國以歡孝也臣等不勝犬願謹奉玉冊玉寶上尊號曰體乾膺曆文武聖孝皇帝伏惟陛下無前之績本忘其名徇衆之欲勉而是誠斯

亦踵祖宗之舊而慰夷夏之情惟持其盈以守其成壽考萬年以安以榮臣等誠歡誠抃頓首頓首謹言

尊號赦

上尊號訖四京畿內德音 治平四年正月

門下朕光膺眷命祇紹繇圖述惟守位之艱浩若涉川之廣恭勤於慎四載于茲所幸方隅救寧歲時和順比屋成臻於富庶懷生率底於緝熙近者王公適巨百辟多士咸扣關而陳請屢蒙奏以露表共以徽名加于菲質扈鴻紀號誠愧於祇承受戴傾心重達於勤請會茲元朔圖上寶文闡玉慶於皇家酌先猷於祖烈宜推渙澤俯逮都畿用伸曠蕩之休以懋玉平之化四京畿內見禁罪人限德音到日云云於戲宅心御極日慎於政經覃下均恩大亨於慶典咨爾有衆宜體朕懷

宋朝大詔令集卷第六

宋朝大詔令集卷第七

帝統七

還豫康復

微恙諭輔臣手詔

天禧四年十二月乙亥

朕覺微恙，務勅四體，不得痊和。每念太祖太宗創業艱難，不敢懈怠。憂勞積久，成此疾。疾太子雖至性天賦，而年未及壯，須文武大臣盡忠，翊替自今。後有要切時政，可召入內都知會議，聞奏內廷。有皇后輔佐，庶無憂也。

康復諸德音

天禧五年正月十日

門下朕荷三寶之純祐，口二聖之宏基。慈庇萬方，龍綈庶類。博文軌而無外，榮小大以咸宜。備申昭報之誠，允集采同之祉。欽崇天道，益屬于寅。恭敷暢國，經務臻於嘉靖。克固重熙之業，聿恢至治之風。而

朕旣夙彌勤節宣微真齋居滌慮簡政怡神夙昔以口保寧如故屬
以芳春肇起品物口萌春農事之方興矧彝倫之式序兆人允殖六
府交修體陰陽之和所期大順口雷雨之動用洽至仁應三京及諧
道云云於戲恭已嚮口既諧於有裕宣恩協慶良表於胥歡咨爾群
倫當體予意

元符三年不豫赦 正月十日

門下朕以夙興御朝教胃寒氣比嬰腹疾未獲痊平載念閭閻之間
不無繚繫之久宜推恩宥以格善祥嘉與含生用臻壽域於戲帝王
之德莫大於生天地之心寔惟助順冀導迎於和氣永孚祐於不圖
咨爾多方咸知朕意

康復德音 政和元年口月十一日

門下朕守積累之宏基撫盈口之景運深自抑畏靡懷宴安顧萬物

之得宜懼一夫之失所勤勞政治儆戒幾微口爽節宣乃為稜沴旋
日勿藥消辰御朝神薦康寧人胥慶悅丕共三靈之春於昭九廟之
休嘉應俞臻至和克塞惟純佑命豈備福之敢專以浸黎民俾湛恩
之溥及應四京云云於戲視履考祥永緝熙于純嘏發號出令大敷
錫于庶民咨爾多方體予至意

內禪

宣和傳位詔 宣和八年十二月二十四日

朕以不德獲奉宗廟賴天地之靈方內乂安二十有六年永惟累聖
付託之重夙夜祇懼靡遑康寧迺憂勤感疾慮墜萬機斷自朕心以
決大計皇太子桓聰明之質日就月將孝友溫文聞于天下至孝十
載練達政經宜從春宮付以社稷天人之望非朕敢私皇太子桓可
即皇帝位凡軍國庶務一聽裁決予當以道君號退居舊宮予體道

為心釋此重負大器有託矣所欣然尚賴文武忠良同德協心永底
于治

遺制

開寶遺制

開寶九年十一月甲寅

脩短有定期死生有冥數聖人達理古無所逃朕生長軍戎勤勞邦
國艱難險阻實備嘗之定天下於塵埃域中大業而焦勞成疾彌留
不瘳言念親賢可付後事皇弟晉王某天鍾睿哲神授英奇自列王
蕃愈彰厚德授以神器時惟長君可於柩前即皇帝位喪制以日易
月皇帝三日聽政十三日小祥二十七日大祥諸道節度觀察防禦
團練刺史知州等並不得輒離任赴闕聞哀之日所在軍府三日出
臨釋服其餘並委嗣君處分更賴將相協力中外同心共輔乃君永
光丕祚

至道遺制 至道三年三月癸巳

朕聞兩曜麗天不能逃虧昃之數四時成歲無以逾代謝之期知冥運之有終乃達人之大觀朕以涼德君臨萬邦二紀于茲庶民咸乂爰從春首憂勞遘災雖藥石之載加奈沈綿而愈劇以至大漸弗瘳弗興皇太子克茂溫文夙彰孝愛自處前星之位彌光主鬯之賢嗣守丕圖必符昌運宜于柩前卽皇帝位爾其任賢去邪克遵於往誥布德施惠深念於黎民更賴中外蓋臣文武多士一心協佐共致雍熙諸軍賞給並取嗣君處分喪紀以日易月山陵制度務從儉約應在外臣寮不得擅離治所只於本處舉哀於戲有生必死品物之大端送往事居前哲之明訓克慎洪業吾無恨焉

乾興遺詔

門下朕嗣守丕基君臨萬萬懼德弗類側身靡寧業業兢兢逾二

紀幸賴天地之祐祖宗之靈符瑞荐臻邊鄙不戢臻乎至治無讓古
先而寒暑外侵憂勞內積茲疾屢易炎涼雖博訪良醫徧走群
望速諧禳禱之法徒竭精格之誠弗獲痊興至于大漸皇太子某予
之元子國之儲君仁孝自天岐嶷成質爰自正名上嗣毓德春闈延
企馬髦遵禮師傳動遵四術之教誕揚三善之稱矧穹昊眷懷寰區
系望付之神器式協至公可於柩前即皇帝位然念方在冲年逾臨
庶務保茲皇緒屬於母儀宜尊皇后為皇太后淑妃為皇太妃軍國
事權兼取皇太后處分必能祇荷度靈奉若成憲撫重熙之運副率
土之心更賴佑佐宗工文武列辟輔其不逮惟懷永圖諸軍賞給並
取嗣君處分喪服以日易月山陵制度務從儉約在外群臣止於本
處舉哀不得擅離治所於戲修短之數豈物理之能逃付託之宜諒
輿情之增慰咨爾中外體朕至懷主者施行

嘉祐遺制

朕荷國大統四十有二年嘗懼非涼不足以承祖宗之滿烈然兵休
民靖底于丕平願朕何德以堪之乃自春已來積勤真豫今至大漸
恐不得負宸以見群臣皇子某以天性之愛朝夕寢門未始少懈况
朕知明睿朕素有承嗣之託矣夫豈不順天人之望哉可柅前即皇
帝位皇后以坤儀之尊左右朕躬慈仁端順聞於天下宜尊皇后為
皇太后應諸軍賞給並取嗣君處分喪服以日易月山陵剝度務從
儉約在外群臣止於本處舉哀不得擅離治所成服三日而除應沿
邊州鎮皆以金帛從事不用舉哀於戲死生之際惟聖為能達其歸
矧天之寶命不墜于我有邦更賴文武列辟輔其不逮朕何慙焉
爾中外體予至懷主者施行

治平遺制 治平四年正月丁巳

朕蒙先帝之遺休祗高穹之眷命獲主大器于茲五年樂與群公講
求至治先身以儉異臻四海之富康勵志之勤未嘗一日而暇逸而
憂勞積慮疾恙踰時有加無瘳遂至大漸皇太子某睿哲之性天姿
夙成儲兩之明人望攸矚可於樞前即皇帝位尊皇太后為太皇太
后皇后為皇太后諸軍賞給取嗣君處分喪服以日易月山陵制度
務從儉約在外群臣止於本處舉哀不得擅離治所成服三日而除
應汾邊州鎮皆以金草從事不用舉哀於戲死生之理聖哲所同惟
賴宗社之靈臣隣協德輔我元子永康王家咨爾多方當體予意

元豐遺詔

八年三月戊戌

朕以菲涼奉承大統獲事宗廟十有九年永惟萬機靡敢暇佚賴天
右序方內乂寧遠至首春偶至違豫病既並進遂爾彌留恐不復誓
言以嗣茲志皇太子某溫文日就睿智夙成仁厚孝恭發於天性人

望攸禱神器所歸可於柩前即皇帝位然念方在冲年庶務至廣保
茲皇緒寔繫母儀皇太后聖哲淵深慈仁惻隱輔佐先帝擁佑朕躬
識達幾微聞於四海宜尊為太皇太后皇后為皇太后德妃朱氏為
皇太妃應軍國事並太皇太后權同處分依章獻明肅皇后故事施
行如向來典禮有所關失命有司更加討論諸軍賞給並取嗣君處
分喪服以日易月山陵制度務從儉約在外群臣止於本處舉哀不
得擅離治所成服三日而除應緣邊州鎮皆以金章從事不用舉哀
於戲惟生知死惟聖人能達真情託重受遺惟賢者能致其義尚賴
左右輔弼文武官師同寅協恭永底至治

元符遺制

朕嗣守大業十有六年永惟付託之重夙夜祗懼靡敢違寧賴天之
休方內又安蠻夷率服乃自故冬以來數冒大寒浸以成疾藥石弗

效遂至彌留恐不獲嗣言以詔列位皇弟端王某先帝之子而朕之
受弟也仁孝恭儉聞於天下宜授神器以昭前人之光可於柩前即
皇帝位皇太后皇太妃保祐朕躬恩德至厚凡在禮數其議所以增
崇以稱朕欲報無己之意方嗣君踐祚之初應軍國事請皇太后權
同處分應諸軍賞給並取嗣君處分喪服以日易月山陵制度務從
儉約在外群臣止於本處舉哀不得擅離治所成服三日而除應緣
邊州鎮皆以金草從事不用舉哀於戲死生之期理有必至宗社之
奉其永無疆尚賴股肱近臣中外百辟協輔王室底綏萬邦咨爾臣
民咸體朕意

謚議上

太祖謚議

朕以易名之典抑惟舊章所以昭著聖猷傳示來世流芳垂裕永

永無窮此百王不易之道也伏惟大行皇帝稟上聖之姿君至尊之位契三靈之賤命開萬世之洪基應乎天而順乎人散為律而身為度奄宅區宇十有七年以乃聖乃神之功守克勤克儉之德躬決庶務則日旰忘疲廣覽群書則宵分報寐外誠政遊之樂內無耳目之娛捐進善之旌懸敢諫之鼓解衣推食憫戰士之勤勞薄賦輕徭念農人之疾苦萬古皇王之道平流於掌握之中三方僭偽之君生致於闕廷之下威加四海德合二儀三辰順而天道無差北民康而年穀屢稔功已成矣理已定矣而猶小心恭已詰旦視朝既勤倦以勞神致寒暄而遺厲馬歸華轍方臻偃武之期龍去鼎湖遽從上僊之駕今度遵舊典上易尊稱謹索謚法道德應物曰英除亂靜難曰武窮神知化曰聖經緯天地曰文陰陽不測曰神功成民用曰德若乃坐籌決勝訓卒練兵復吳蜀之土疆弔交廣之生聚畏天威者不名

而至慕皇風者重譯而來豈不謂之英武乎又若興起學校搜訪隱
淪廣延儒雅之徒樂聞俎豆之事明王聖帝靡不葺其祠宇名山大
川靡不奉其禮祀豈不謂之聖文乎又若宸謀不測睿略遐敷先天
而天不違作事而事無愆素功俾造化智識洞元徽萬靈歸指顧之
中六合入牢籠之內豈不謂之神德乎太者表極尊之稱祖者彰開
基之德洪惟清廟永配昊天伏請上大行皇帝尊諡為英武聖文神
德皇帝廟號太祖

太宗謚議

臣聞明一合道曰皇德成天地曰帝聰明文思行也堯舜禹湯謚也
王者膺圖受曆應天順人美盛德而試諸難騰英毅而節一惠生有
尊號終受大名垂諸簡編如揭日月伏惟大行皇帝允恭克讓懿達
神武千年誕聖彤雲紫氣之祥五行鍾秀日角龍顏之表純孝因心

奉宣祖而尊嚴父雍睦悌弟翊太祖而肇興王始者祖室下衰梁王
在位謳歌獄訟去周歸宋至于出征帝亦言邁三靈改卜百姓與能
陳橋有功諫之言京邑無致攘之患市不易肆遂登皇極佐聖之功
大也乃荒魯邦乃建元侯內總熊羆肅清禁衛龍潛邸第晦九五之
迹颯德尹京洽億兆之心洎奄有四海為天下君大寶曰位其命惟
新改元太平符守文之代於鑠軍政協下武之時應運之期至也曩
爾汾晉結援林胡逆節亂常兩朝三紀勞人動衆堅不可拔帝共期
怒定議親征夫石齊攻金湯不守折鐵易於摧枯梁魁條已衝壁與
民更始惠如春陽本封晉王終定厥土受天之命先也漳泉入覲混
同文軌杭越獻地一統寰區無思不服無遠弗届占城于闐之封大
食賓同之國獻琛奉贄府無虛月白鸞紫鵠之異神麟丹鳳之靈嘉
禾連理史不絕書中孚之信及也經緯天地克定禍亂政之大者必

躬親之高堂講武臨軒選士英儒瞻文之鴻博曾騰肉飛之傑俊天下英雄落吾彀中升之峻級待以清華不數十年有登壇廟而定疆場者知臣之鑒精也幽有鬼神明有禮樂墜典聿脩典文成秩五辰南郊之儀一議東封之禮籍田勸農御樓肆赦釋老之教宗奉為先名山大川靈跡勝境仁祠仙宇經之營之致恭之誠廣也求賢審官化民成俗為政以德惟刑恤哉置詳刑之曹下考課之令管蒞不棄涇渭分流時無遺才吏皆守法興廢繼絕於孤旅寡視民如子使無蹈乎水旱患艱食為憂遐幽在念額天無所增加使額勤郵人隱約隍之言遠也俯仰山谷詳延隱淪修史氏之職改班秩之稱著治化之書貞觀之風也紀仙山之石開元之事也弧矢以威天下善射通神藥石以救齊人仙方瑱委藥正雅頌無相奪倫幸太學以談經召儒臣而侍讀卑宮室則斷雕為樸澹尊稱則法天宗道開理檢以登

聞升便殿而崇政立儲定社稷之本清心節夫庭之妙治世之規備
也在宥天下二十有二年王澤深矣機務詳矣臣下之歸尊至矣黎
甿之受賜多矣越書契以無倫盡帝王之能事還淳反古如指諸掌
況金檢玉方卜近期而昂成龍至聖駕上仙萬方結素九成道辟下
臣奉詔擬議微烈玉揚耿光追惟古始業燧之際載籍未備炎黃已
還教明育章若乃兼商周之質文摠唐漢之雄盛乃聖乃神乃武乃
文叙全功與今德寶映後而輝前也旁稽禮文恭案謚典應變無方
不疾而速得不謂之神乎施為於民裁成萬物得不謂之聖乎萬邦
為憲帝德廣運得不謂之文乎保大定功奄有九域得不謂之武乎
夫法太初前志謂太上立德以宗禮經有宗祀配天惟千齡應運之
君為百代不遷之主請上尊謚曰神功聖德文武皇帝廟號太宗

宋朝大詔令集卷第七

宋朝大詔令集卷第八

帝統八

謚議下

真宗謚議

伏以古之王者申節惠之文舉易名之典取法於天地陳禮於郊廟
蓋所以褒勸成德彰示方來著為令猷歷代不易者也伏惟大行皇
帝誕膺基命祇嗣寶圖席二后之慶暉接五精之正統業隆富有德
茂口乎端繡宸以嚮明偃瑀戈而下武四鄙清定九區率順而內之
夷欽嚮充庭之貢押至豐澤流麗載謠洋溢孰遠而弗達胡微而弗
浸仍歲大熟方內大寧協百志以咸熙摠萬機而惟允勵精以思道
廣聽而博納刑罰止息品彙阜滋形忠利以宣猷渙文明而施化家
興禮讓俗躋仁壽無爽物性勤恤民隱祇適成憲克務在寬居無自

我之規勸叶用中之道乃至慎選列辟體貌皇條疇咨蹇諤之臣以
歲主闕濬發丁寧之札以重農本下民之言好問穀色之模不邇九
功灼叙百吏肅謹講求禮式修明憲度政體以之舉舉時俗以之於
變潔誠而致祀欽容以事天舉必率於齊謁奉必資於崇龍精專祇
戒翕習示祥天人之際已交帝王之制蕙助旋荷昭回之鑒荐膺與
祕之錫示先期於路寢接珍御於紫闈丕昭濯濯之靈悅恬綿綿之
緒博觀品列謄告方國均同於純既載嚴於崇報隆神農之靖宇範
端印之睥豫紀節物於令甲總使職於台宰闡繹集虛之道奉迓御
辨之游茂講景儀專致精意筆詢夏諺載事虞巡祇建天家之封親
款后皇之祀金庭順拜緬尊於道陰爰壇薦類式報於春祺震耀泉
章之容紛綸符瑞之富且夫修明典則祇被燔狸必歸美於祖宗祈
禱於兆庶然後發渙汗之疏建尊顯之稱昭棧盛之威容騰英茂之

報烈跡是振章天之藻翰紀錢石之信辭鍾律均和黼黻交麗逮星
灰之屢改積緹緗而彌廣矧乃中禁之地併於上帝之府金樞叢侍
鈿軸相鮮邁炎漢之好文盛開元之致治朝廷無事皇家多懼處帝
所之祕深叶真風之冲漠希微致用時稔尊體廣運於乾元保久
視於教父齊皇極以敷訓示太素以御民固以守丕業於盈成致懷
生於茂遂豈圖時有浸沴疾生腠理歎憑玉以大漸遠脫從而上仙
冢宰道乎遺音天下瞻乎晏出所以三靈憤慘萬國號慕下惟吉
同軌赴辰列哀伏以綺城引龍輜於御道度遵禮典上易徽稱謹按
謚法經緯天地曰文無幽不祭曰明法度明大曰章通達先知曰聖
生善行德曰元慈惠愛親曰孝文以化成明以臨照章以垂憲聖以
廣運元以法天孝以述志惟治也本乎至道惟德也所以稱宗則法
舊史之明文為來葉之懿範者蓋天之所命矣請上大行皇帝尊謚

曰文明章聖元孝皇帝廟號真宗

仁宗謚號

臣聞元精磅礴濟萬物而不昭其迹者薦名曰天至道汪洋澤萬世而不有其功者定謚于帝伏思自古帝王膺大名號大行使金散而玉振之以紹于無窮之間者帝莫盛於堯舜王莫盛於禹湯也蓋易名之典下不得誅上古者將為至尊之謚必質于郊然后定之所以推天下之至公雖天子不得以自專也洪惟大行皇帝躬上聖之質承累聖之緒流大漢之宣弟承放勳之欽明也包富有之業而能守以約攬泰之之基而弗恃以安固嘗邈然馳視其未刑倪然積思所不及謂天命之匪易乃嚴心戒懼以答靈心之顧謂民懷之靡常乃函容照物以陶善類之歸知括萬慮而不可曠思隆四垠而不可形如兩儀之無不燾載如三辰之無不臨照于時修廢官繼絕世禮高

年勤力穡減常賦却末游虛已以遇豪俊之材降志以從忠直之諫
振立賞罰而權衡之章明曲禮而黜散之宥恕刑獄而滌蕩之惠安
困窮而衣食之人情莫不欲逸愛人力而不勞人情莫不欲壽輔其
生而不傷群公庶尹罔不交孚相與謀王之朝殊隣絕區罔弗億寧
相與慕王之境父父子兄弟兄弟罔弗祇順相與立王之途仁政
之施沛然其若是莫之能禦也矧復耕籍於千畝之田給祭乎先王
之廟報天之誠薦則八莫于園立嚴父之志盡則再侑於明堂宗室
既蕃則廣諸分玉之受邦統未貽則豫有主鬯之屬下議樂之詔以
考鐘石之和置寫書之官以綴經墳之學適英敷席圖講藝也凝機
被宇資味道也滌思粹發窮聖作也飛毫洒落肆天縱也知聲色之
靡伐於德義于是乎屏燕飲之娛知雉兔之獲殫於精神于是乎絕
盤游之欲念織組之勤則却服御之華念土木之廢則損宮室之麗

西羌阻命不欲久戍勞師而遂約玉關之誓南吳肆毒不欲深入薄
寇而自致葉街之戮時則有踰沙軼漠卓犖之貞委應圖合謀泐滴
之瑞叢四十二年于茲可謂海內大治矣竊迹羲皇之前覽乎莫索
其詳自詩書之載揆厥所元暨乎攸卒未有如茲之盛者也方將動
鴻休受永佑豈圖神機忽厯邦畿上廼仙島已成不返荆山之御玉
衣雖在空陳渭水之遊嘉原既新同軌畢至下華蓋於北極引龍輶
之西巡此萬國之所以推心三靈為之變色有司由是飭舊曲玉稱皇
哉鑠乎幾有以綏王靈而炳帝烈也謹按謚法一民無為曰神經天
緯地曰文通達先知曰聖保大定功曰武照臨四方曰明慈德愛親
曰孝若乃群生嘒嘒鼓之舞之不知至化之所自然非至神乎制禮
作樂際天接地煥乎而大備非至文乎惟宋廟之奉實發先識以建
大本非至聖乎戴白之老不知兵革之警非至武乎遐方荒昧之情

格于聰明而無所遺非至明乎敦叙九族以述奉祖先之志非至孝
乎粵自廟號之建尚矣惟其厯古聖賢之君莫不極其所以尊明盛
德之稱又或至于代相襲之夫仁者聖人之盛德豈獨未有以當之
耶抑當時鴻儒鉅學乃略於稽求將天下之啓期以克配大行之廟
乎詩云維天之命於穆不已此之謂矣惟功以創業為祖德以守成
為宗皆尊尊之大義也大行皇帝尊謚宜天錫之曰神文聖武明孝
皇帝廟號曰仁宗

英宗謚議

臣聞惟天為大在形器而已分惟君為尊抑德名而後顯皇墳帝典
玉板金函勒鴻垂休略見方策我宋受命以作神主乃武乃文克明
克類故七世之廟可以觀德三靈之心懷于有仁保定之眷永錫景
祚溥耀之烈爰集治平恭惟大行皇帝濬哲應期恭清撫運體乾元

之剛健涵陽精之光鏘粲初清明在躬隱而未見則惟尊德性而道
問學致廣大而極淵微儲思養正而聖功內充處謙自牧而物情已
服仁宗皇帝深燭天意知人神之依曰惟汝賢授之宗器乃懷抑畏
堅避歷年不易予世無然歆羨至誠達節天下莫際其量文言曰確
乎其不可拔潛龍也麻敷詭譎諒非人事遂膺圖籙正位凝命景至
而冬夏應氣動而風雲從震散而離明兵齊而兌說既已保富有之
業席嘉靖之治勅天之命嚴恭勵翼率時昭考之道祇奉慈儀之尊
榮裡園丘城志內畫登祿清廟孝思惟則君道玉體大本舉矣若乃
勵精庶政收采群策朝以聽決至于中是夕而訪覽迨於乙夜稽考
典刑綜核名實謹憲度振綱律中庸所謂審問慎思篤行固守其自
致也悉矣惟其體貌丞弼優過者老辨章才品慎重名器虛懷以待
俊德前席以畫嘉言納用不專於親近眷接無間於踈逖推擇髦秀

以充冊府增置學宮以訓宗胄惟日孜孜每懷靡及老氏之清淨樂則樂行其道貴大易之簡易而嘗以為言故無有作好用數乎儉器服纓其玩好不設未嘗致意于觀于遊于田宮室苑囿無所增飾左右嬪御無一名號爵用及於私昵息無假於近習風戒戚里微濯龍車馬之盛裁者主第無堂邑山林之侈身先處厚以示四方此皆治古之盛事哲王之懿鑠得其一二足以垂光載籍宣昭義問矧翁受敷施廣大恇備茲士民之所目見天下之所共聞者矣至于寬仁溫厚煦然若春陽之布和莊毅明察凜然若秋霜之肅物其稽古也多識前言注行其御今也有以極深研幾而猶罷朝則數經于外闕退食則開帙於內殿惇序宗屬撫懷戎狄欵恤刑辟蠲薄賦繇惠養蠲獨賑郵之絕凡曰仁政不忘寤寐儻若日月得天而能久照四時更化而能久成於斯萬年永綏壽愷則雄才大畧足以彌綸於高

厚豐功遠烈足以輝掩于往初以此積德則三代不必企也以此立威則四夷不足攘也上儀壯觀遺風茂實奇偉倜儻竹帛不可殫紀爰厭世之已早速乘雲而上宿植壁于壇顧金縢之靡兆遺弓在地帳龍馭之莫攀因山已穹同軌斯會爰飭舊典申詔近臣參考歷代之法崇薦對天之號謹按諸法聖能法天曰憲經天緯地曰文明德克就曰肅保大定功曰武重光莫震曰宣尊仁安義曰孝若夫惟天聰明惟聖攸法惟臣欽率惟民從乂茲所以為憲典常是師俊民用章乂用明以化成天下茲所以為文以義制事以禮制心王道正直罔失法度茲所以為肅董正治官威懷並設六服八表靡不承德茲所以為武玉顯哉皇祖之謨玉承我三宗之烈緝熙景訓垂裕後昆茲所以為宣持盈保成廣恭戒懼顧諟明命克昌統業茲所以為孝孔子曰道之行也與三代之英其未之遠也而有志焉蓋禹湯文武

三代之英者惟德有以當之不在乎禹湯文武專其美也是故繼將
夏建鴻名必本諸事業質諸公論考諸先聖而不謬垂之萬世而不
疑則可以昭告于郊錫命于帝宗廟享之子孫保之言而可為天下
信著而可為後王法蓋詩書所存斷自唐虞以下所以發揚盛德詔
於無窮者用此大行皇帝尊謚宜天錫之曰為文肅武宣孝皇帝廟
曰英宗

神宗謚議

伏以生而不有為而不恃澹然無極而不可強名者天也感而後通
迫而後應化育萬物而不可為象者帝也夫人君之德曰夫如此則
可以配神明享天地小大精粗無乎不在尚何俟於外之文哉然為
之臣子者必列大功紀大行繼勳夏崇號謚刻之玉冊藏之金匱歷
之春秋垂之後世豈特貽觀者之耳目也蓋所以揚祖宗對天之闕

休戚萬世無疆之大業其事豈小補哉然下不得以誅上古之道也
惟天子制謚於南郊以明受之于天不敢專也故周官太史漢官大
行寔學其事其歷世莫之敢已恭惟大行皇帝天啓上聖人與成能
其英偉之識高明之學微妙之德雋傑之功卓乎不可名象也然非
建顯號施尊名則何以加施於萬物之上充塞於天地之間以與堯
舜文武比隆而傳示無極哉惟王者之迹熄久矣綿綿迨迨至于五
代四方遂分裂不各聖人之道浸以微滅至宋受命真人出乃能合
天下於一聖子神孫繼繼承承緝禮典協音樂定制度一軌量正刑
辟好儒學之士闡仁義之塗然後先王之道弛而復張講而復發而
天下之治幾於三代及夫行踐作超然遠覽垂意當世夏天之所以
付予有宋者既全安盛大如彼而祖宗之積累德業口豈顯顯懿如
此苟不能繼志述事以底口極治則何以稱神靈之心哉雖然天下

之治必以三王五帝為法若秦漢以下局促狹隘紛糾鉤裂蓋不足
論也口是咨諏諸儒若稽古昔協禮文正法度以庠序造士以經術
取人以法理教吏以水土理財以舍後息民以考試任子以六典正
官以品式馭用以清議馭俗罷黜并抑末作以一民之業絀浮淫務
功寔以致民之治為之師表以教其不及為之醫藥以救其夭死為
之政以亂其偷墮為之刑以禁其暴傲同度量以一之正厯紀以齊
之昭文章比象以示之為等級度教以穆之夫合祖宗立原廟隆至
孝也定郊祀口一天緝上儀也祀明堂脩定配正大典也考金石協
聲律復雅樂也刺六經絀百家扶道術也決萬機之務也逾口日口
掌四方之奏也至于夜艾其技士也用其所長而棄其所短其推賞
也紀人之功而忘人之過尊寵儒術駕馭豪英所以為天下興利除害
變法易政以成大功者豈止數十而已哉故十九年間表裏晏然德

洋洋法遠湧泉源雲布露散符瑞應期間見層出倣儻窮變若夫守
謙抑卻微號尚敦朴去侈靡內則錄安車犖道以致天下之養外則
合同宗遠屬以享天下之睦念英考之烈也則抱終身之憂戚而致
其慕念光獻之慈也則挂四時之祭而極其哀罷徹政游之樂慎節
燕私之娛其道問學也足以并包經術綿絡天地其緘神藻也足以
輔蔽雲漢陶鑄典謨荀卿曰欲觀聖人之迹則於其繁然者矣矧復
審計策奮威武飭邊備正馬法實府庫利器城廣倉庾謹平糴以兵
法授諸將以什伍教人民誅奔軍叛師以作士氣推高爵厚祿以勸
有功其所規恢萬世之策可謂雄深而博厚矣然而睿聖之心乃在
於安強中國制勝無形而不以觀武事夸遠略為務故遣使勞午媿
辭飭幣以固北敵之行而息邊吐之勞出師征誅正名問罪以極夏
人之惡而無過時之役是以三無晏然兵寢不用大化神明恩施決

洽與夫勞師遠攻快心於口望之北傾國殫貨以鱗介易我衣裳者
豈可同日而論哉惜乎大業未究荆山昂成遽憑玉几道揚末命此
四海所以殞心群臣所以泣血乃相與稽舊章圖徽稱以表裏詩書
而與天地相終始也謹按謹法道德應物曰英經輝天地曰文秉德
業業曰烈保大定功曰武窮神知化曰聖繼志述事曰孝夫又用三
德以應萬邦非至英乎繼禮緝樂陶冶群生非至文乎藏用以為神
顯設以為業非至烈乎不怒而威不殺而服非至武乎嗣天制作民
莫得名非至聖乎繼述前烈慈惠愛親非至孝乎皇皇乎真玉天之
大律王者之絕業惟備道全美者乃能與於此粵廟號之建久矣其
間聖賢之君作而應天下之治者多矣然未有以神為號者抑神也
者妙萬物以為言而難其稱歎抑天之所啓以配大行之廟乎書載
益稱堯德曰乃聖乃神乃武乃文蓋聖神所以立道文武所以立事

也。大行皇帝尊謚自天錫之曰英文烈武聖孝皇帝。廟曰神宗。

哲宗謚議

臣聞道有常道，名有常名。道無乎不在，而名未始有極。此道與名之常也。古之聖人得道之常，以入於有，即其應物之迹，而名隨焉。雖所稱異號，而道之所謂常名者，固存乎其中矣。恭惟大行皇帝以天縱之聖，承百年積累之業，越在幼冲，履帝之位，若固有之。體道以為德，故寂然不動，有以見天下之賾明，而用晦。蓋不言者九年，及南面而聽天下，疏觀萬物，泛應曲當，其闢也開，而天其閔也淵，而深雅左右之人，莫察其喜怒之色。臨下以簡，制物以靜，可謂盛德之至，無得而名言矣。然臣考之前載，質諸先王，宗內直外，謂之欽經天緯地，謂之文思，以作聖，謂之睿戡定禍亂，謂之武無小不見，謂之昭。繼志述事，謂之孝。于是竊迹盛德大業者，於事為而可以形容者，條列而擬象。

之蓋外溫恭而內允塞故天之威過災而懼順帝之則小心翼翼動容周旋必中於禮望之如天之高不可度就之如日之溫而可受可謂欽矣沉潛剛克高明柔克錯綜日躋其用尊敬儒學以緝熙于先明羅點章句之小道發六藝之科指可謂文矣致虛以為明致一以為思思而後言言簡而切迫而後動動而不括擴而充之至于大而能化之聖可謂睿矣不令而威不嚴而肅偏師裨將授以成算乘邊出塞不頓一戰開疆闢地列障置守羗人扶服而請罪隴右稽顙而乞降可謂武矣吉之先見獨觀乎昭曠之原允聽萬事而不惑於是非取舍之際富善人敦有德或自一言而知雜任人聖讒說或由一見而察光被四表不遺微小可謂昭矣適駿其轂丕承其烈悼法度之板蕩則當宁太息憤姦罔之誣訛則斂容出涕政無小大追復之不棄於浮言不移於異議熙寧元豐之政復行於今日可謂孝矣十

十有六年海內又安百姓蒙福天地協應嘉元不作神嘗自至祥光
燭天時和歲豐物無疵痛遐荒幽遠乾裘義服左衽之俗莫不面內
來臣方慨然以有為以追迹三代之隆志未就而上賓此萬國所以摧
心三靈為之變色雖殫天下之美固不足以名而百辟卿士齊心滌
慮合天下之心即南郊之陽以請命于上帝乃按法儀備悉備曰
欽道德博聞曰文家方蓋平曰睿闢境在土曰武聖敬日躋曰昭繼
志述事曰孝曰是衆德以為之名垂示後世於是為稱然古之王天
下者祖有功而宗有德德之可宗者莫大乎堯昔之稱堯曰知人則
哲稱舜曰濬哲文明稱成湯至于帝乙曰經德秉哲稱文王至于武
王曰世有哲王竊考大行皇帝運量酬酢萬世可得而宗者哲也蓋
帝之所難而王之所由興非天下之至明其孰能與于此大行皇帝
尊諡宜自天錫之曰欽明睿武昭孝皇帝廟曰哲宗

宋朝大詔令集卷第八

宋朝大詔令集卷八

宋朝大詔令集卷第八

宋朝大詔合集卷第九

帝統九

謚冊

太祖謚冊

維太平興國二年歲次丁丑三月壬戌朔十八日己卯哀弟嗣皇帝
臣某謹再拜稽首上言曰伏以膺圖受命千年肇啓於洪基表行稱功
萬世永揚於茂實口哲王之懿號乃歷代之通規敢憑稽古之文度
舉易名之典伏惟大行皇帝量包四海道冠百王頃事周朝實當大
任貔虎內摧於萬旅干戈外奉於四征專戰伐而立功勳歷艱難而
叛皇業三靈聽命兆庶樂推既應天以順人乃變家而為國自臨大
寶光宅中區端拱九重留心萬務嚮明而治惟道是求公車徵草澤
之賢未帛聘邱園之秀勤恤民隱澄清化源秣馬厲兵陳師鞠旅偏

將南征而湘中定靈旗西指而劍外降嶺表金陵相繼而縛荆平區
宇混一車書萬物于是由庚二儀以之貞觀然乃無為而治讓德於
天四登園壇告類上帝神功聖德冠絕古今方修檢玉之儀遽起上
仙之駕詎言是而靡及痛弓劍以俄遺因山之陵寢既成陟岡之孺
慕何已臣虔遵願命俾奉宗祧徒知懷翼翼之心何以繼安安之化
爰徵舊典奉上尊稱謹遣攝太尉皇帝協謀同德守正保順功臣開
府儀同三司檢校太尉兼中書令行開封尹兼功德管内河隄等使
上柱國食邑五千五百戶食寶封一千七百日齊王廷美奉寶冊上
尊謚曰英武聖文神德皇帝廟號太祖伏惟俯鑒至誠允膺盛禮陵
遷谷變長垂不朽之名地久天長永福無疆之祚

太祖謚冊

惟至道三年歲次丁酉八月癸巳朔二十八日庚申亥子嗣皇帝臣

某謹再拜稽首言臣聞天地之大莫能形容聖神之功無所擬議然
而圓方之象必取于強名堯舜之稱蓋從乎即惠伏惟大行皇帝承
天位極執象臨人其生也感大電之精其出也應真人之運聲身為
律度道德作藩籬若日月之明無幽不燭如江海之量無大不容爰
自麻教在躬大橫叶絲舊疆來復畫有江吳戎路親征旅平汾晉皆
出於睿斷運以聖謀繫象不能賸其微鬼神不能窺其奧視宇宙於
掌握得英雄于彀中宅諸夏以制四維坐明堂而覲群后整首世曾
之相接武於棠街景星甘露之祥疊書於冊府在宥天下二十二年
當是時也靈臺偃伯象闕懸書既脫弛禁踪道率化物無疵癘歲有
順成積粟腐於太倉豐財溢乎內帑村官劍客皆六郡之豪分闕登
壇盡萬人之敵自歷代以來未有若斯之盛者于是賜民酬飲展禮
藉田被袞冕于泰壇躬俎豆於清廟幸成均而視學屢親橫經紀延

閔以垂文嘗緬睿思若乃生知多藝天縱聰明灑草隸之筆得琴棋
之絕擅弧矢之妙洞元釋之微皆作世模楷出人意表豈力學之攸
及寔振古之未聞大哉選乎不可得而論也然猶日慎一日雖休勿
休溫顏以盡下情虛已以延謹議一夫不獲納隍之慮每深萬邦有
罪在不之責尤切至若省去徽號漢后之不言聖也杜絕田獵元元
之慮發狂也屏藻丹之飾夏禹之界宮也念黃汝之枉成湯之祝網
也有一於此猶謂之聖况兼是教者乎方將鳴鸞東夏檢玉介卯而
天禍忽臨仙駕長往群臣咽絕願贖以身百姓哀窮如畏厥考願惟
寡昧虔奉丕圖荒疚哀迷懼不克荷今因山雨畢向軌成臻敢薦大
名爰稽載籍詢博士禮官之公議叶宰衡庶尹之輿情定謚于南郊
得請于上帝謹遣攝太尉右僕射兼門下侍郎平章事臣呂端奉賀
冊上尊謚曰神功聖德文武皇帝廟號太宗恭惟聖靈誕膺茂典錫

茲純嘏保盛業之無疆播厥鴻休垂永代而不朽嗚呼哀哉

真宗謚冊

維乾興元年歲次壬戌九月戊辰朔六日癸酉哀子嗣皇帝臣某謹
再拜稽首上言曰夫謚以行成號以功顯法日而明者蓋德之甚盛
稱天以誅者惟名之至公三五以還何莫由斯道也伏惟大行皇帝
稟上聖之寶襲累仁之祚緝熙嘉靖五肖親一口成履露踰於二紀
昔者以維城之固膺主器之重班政口空始基風化績戎在宥昭前
善繼清明獨運禹印博臨口幾而衆志熙定心而萬物服奉養長樂
極純至之性協比九宗隆敦睦之教有陶唐之恭讓同祖主之抑畏
慘怛忠利本於好生焦勞敏給未嘗自滿豁大度以含垢詢善言而
聖護勤於幽隱寶行儉樸重糾刑之任謹助農之制罰不濫而人趨
本矣廣薦能之路嚴較村之式官無邪而朝多士矣述教條以勗郡

國之史褒簡策以緝君臣之訓俾元章以成憲炳人文而化下繹治
古之闕論叙奠倫於大中物則昭明政俗純固曩以疆事猶警武節
方耀親巡河右啓和戎之利懷柔西裔約保塞之款二邊寧晏五月
銷戢民用休息物皆茂遂職育填於夷邸歡諒溢於農畝祇謁園陵
孝違乎神明罷去羽獵仁及乎飛走誠和文感休嘉震動寶圖申錫
誕恢於景命颺游昏接遂知於遐胃講崇報之則振而闡之儀勒成
岱宗恭禮睢上帝群岳祠仙李纂宮於神隩薦冊乎霄極馨香齊栗
百神以修欽冀靜怒萬祥見表休烈決洽德澤鴻苞然猶處謙而歸
勛不有禘福而俾人大賚絜元極之至妙穆道風於無外魏魏端拱
緝首百王遂厥黃屋之勤奄從白雲之舉函夏摧陷攀號靡及願茲
耿質頌嗣丕構哀窮迷惜懼忝貽法方中既啓同軌起期考尊名節
惠之文合群公庶尹之議虔遵古訓敢揚懿錄謹造攝太尉推忠協

謀同德守正佐理功臣開府儀同三司守司徒兼侍中充玉清昭應宮使昭文館大學士監修國史上柱國魏國公食邑九千七百戶食實封三千六百戶臣馮拯奉玉寶玉冊上尊謚曰文明章聖元孝皇帝廟曰真宗恭惟在天降鑿昭膺茂典錫祉流慶與運無極嗚呼哀哉

仁宗謚冊

維嘉祐八年歲次癸卯九月戊戌朔二十日丁巳嗣皇帝臣某謹再拜稽首言曰臣聞名以實實謚以表行先王之通憲也伏羲氏躬法象正五行故首大禘之稱有熊比建中和存萬世故冠黃軒之號彰大聖烈義莫此先恭惟大行皇帝粹天之武純地之文繼祖之道繼昭之德慘怛忠利有唐堯之至仁沉深寬博有漢高之大度身先敦朴有夏王之克儉已自抑畏有高宗之無逸昔在潛隱早彰於睿聞載登元良茲儲於群望天禧之年永定倦勤是資貶輔乃總機務九

域奠枕而晏謚四表履盃而安人人君之量已表於冲年矣及嗣宅
大統然宣聖職以大功馭群品以大定域群生以四海食宗廟以天
下養文母于時遐邇砥礪風化景開賓延若臣亦去克黨賞不失勞
而忠義勸罰不遺近而權倖摯若乃旌用謹直開訕諍增言職之
選廣所未聞復制策之舉詢及在下士得盡忠矣播刑之地所尚在
寬閑臨便坐親慮繫囚申警攸司增設科法人以不寬矣封先代之
后錄功臣之世民化而歸厚矣察貢士之行裁入流之冗官修而無
邪矣矧復速親邸以合族幸學宮而尊教杜斜封之啓罷禁私謁之
敗公放后宫之御以遂物情發少府之藏以廣平糶致田廩以活艱
食賜爵幣以禮高年捐小抵禁論者日報故弛之以息下鑄錢亂幣
刑者歲積故平之以利俗加以戢兵而時動得武之善經當夏戎之
不恭也謀臣獻灌征之議猶念恭師于外卒勤款塞之請儂寇之背

叛也上將建蕩平之策猶慮勤人于遠遂止深入之代自是二方之
冠冠帶而入朝百越之長梯航而請命其禦戎懷遠之術保邦息民
之利長矣至于明號令信言動遠敷色屏佞任邇英歲終惟講學之
接觀文燕居必讀史之究窮禮樂書射之蒞洞陰陽圖緯之奧斯又
天縱神悟上聖之魚得也故能統一海內四十有二年熙綽光明達
于上下三辰順軌群瑞昭錫九薦賜社皆上帝之顯臨再類合宮極
聖人之能事矣方當歸飭祖考謝德穹厚大庭特室垂拱無為不圖
邦禍奄弃宸極三靈變景萬類推心顧惟菲質獲承丕緒窮哀荒速
懼弗克嗣今考筮迪吉因山有日爰稽節惠之法虔講至郊之文丕
承監觀以易稱謂謹遣攝太尉推忠協謀同德守正佐理功臣開府
儀同三司行門下侍郎兼兵部尚書同中書門下平章事昭文館大
學士監修國史兼經綸文使上柱國衛國公食邑九千七百戶食

實封二千四百戶韓琦奏冊寶上尊諡曰神文武明孝皇帝廟號
仁宗伏惟睿靈昭格允膺大典錫祚流慶與運無極嗚呼哀哉

英宗謚冊

維治平四年歲次丁未七月丁丑朔十六日壬辰哀子嗣皇帝臣某
謹再拜稽首言曰臣聞號者功之表謚者行之迹王者則天以為大
非號無以立隆法日以為明非謚無以垂遠故要之于終擬而後言
以詔乎無窮之間者易名之謂也敗觀前聖率循茲範則我昭考之
光烈其不可闕也恭惟大行皇帝潛哲自天紹熙有宋得一而清明
奮用九而剛健至粵自毓德藩房齒學庠序不釋卷以究先王之道
不窺牖而知天下之事此高宗之宅河朔也仁宗皇帝雅知興世之
量遂定主器之託謙挈弗嗣控愬歷年終迫人神之望勉徇社稷之
計此漢文之遜代卽也及夫紹天纂厥正位凝命不遍覽六合而視

已明不逾視八荒而聽已達祿覽萬務而指諸其掌後用衆智而斷之以獨裁未再問表裏禮福洋洋乎聖謨神化不可度已若乃荷仁廟付畀之重盡志乎三年之喪思慈壽鞠育之深竭誠乎四海之養榮禋乎郊而萬靈秩始祿在廟而八室顧孝於人祇矣立嚴以救政寬故道克無弊循名以核吏理故下皆傲職發廩賑歲而流冗悉沾除籍蠲負而繁縲一空澤深於黔細矣至于好問不倦納諫無壅日臨經幕以御講訓間開別殿延訪侍從其用人也技於未顯其求賢也常若不及廣宗子之學親同姓也增築府之自羅遺俊也籍兵於畎畝復古教也取才於跡弛弛明馭術也矧復敦朴以率儉勤懇以訓恭後宮無職御之授外家無封爵之過與馬之迹不涉於苑囿鐘鼓之音不流於俎席然猶口口抑畏退託不逮日昃而聽理夜分而程奏五上微稱口抑而未俞再詔庶位直言而箴闕于斯之時憲度

清曠品式明備文武各致其用農工不奪其力北有悍敵款附而口
口西有黔羌文告而快臯何其德之隆治之盛歟夫惟創業之口固
勞守成之功易怠今乘大口而慮益深御至平而精益勉雖商言武
丁周云成康亦未有純風之可擬也宜夫天錫永命以闡闡我祖宗
之統業而夏后勤德忘於勞身文王憂民訖至損壽遽弃天人之寶
上從旄歆之駕三辰霧慘兆姓血泣肆及涼菲獲奉習訓哀窮荒慮
懼弗克承因山戒期同此畢至一二卿老洎百工庶尹相與卽大患
稽稽章請款于郊得請于帝仰謀稱謂以對光鑠謹遣攝太尉具官
韓琦奉寶冊上尊謚曰憲文肅武宣孝皇帝廟曰英宗伏惟睿靈在
天昭鑒逮下膺是典禮永祚來葉嗚呼哀哉

神宗謚冊 九月己亥

維元豐八年歲次乙丑九月壬辰朔八日己亥哀子嗣皇帝臣某謹

再拜稽首言曰臣聞大象無形孰窺於奧妙至人無已理絕於稱謂然而萬物並作道亦強為之名兆姓樂推號焉以表其德自言契所載帝皇相因有見於今率由斯義嗚呼曾未若我聖考道濟天下而未始有其善功冠帝者而不自有其成歸美祖宗屏卻徽稱雖欲頌次無得而名至於誅行務終勅榮垂後以誌于萬世者義不敢已恭惟大行皇帝挺生知之資席勃興之運尊德性以服仁義道問學以熙光明爰自妙齡克廣德業迨膺寶命垂福勳元言動以為法則散身以為律度文參乎彖象音中乎啓夏於以考訓詩書更正禮樂美教化勵風俗修舉廢墜剷除弊蠹綱紀文章粲然可述品程條式按之可行至於務農訓兵理財均力急於所先務行之以不倦者要以正心誠意為本且承顏兩宮篤溫清之養胎事十世增悽怵之感厚天倫之愛禮同於家人屈帝妹之貴首執於婦道閱新史則泪落簡

卬享原廟則哀動左右罷郡國之獻節苑囿之幸無歌鐘絃游之娛
無田獵馳騁之好宮室以弗廣池臺以弗繕府寺是嚴溝郭是固此
自家以形國也爵諸王之後績功臣之世任宗子以職事課郡吏以
法令蠲減賦租寬省徭役抑兼并禁游末修水土之政增農田之官
聯比閭以寓兵按什伍以司盜出使者以問疾苦舉逸民以振滯淹
延對草茅獲表忘冗蕃夷之長日齒內朝遊微窮陳如附畿甸此自
近以及遠也籍天田梁盛於是乎潔池禁藥發苑于是乎往哀於庶
獄濶略小過發常平以賑乏絕儲義倉以救飢踣仁無施而不徧物
無微而不格至於除戎器班馬政親程村官拍授將略兵習其帥士
萃所屯隱雷霆於軍毅伏龍蛇於陣勢其靜也淵默其動也天行左
顧而楚越潰右馳而河隍闢殊絕之域坦曠之渠覆其巢穴擄厥種
落相與列蓬棠并整首頓頰屈膝四面而至請育于鴻臚者持局不

絕陰陽調和符瑞沕涌靈芝產於宮楹慶雲覆於洛水麒麟至龍鳳
擾抑而弗奏者詎可殫紀若夫郊以一天配以一帝丘澤有辨寢廟
有制旂常車服以昭文采鍾鎛度量以正聲律審渾儀定曆象立五
學以造士咸奉於經術復三省以正官率循于古訓蓋十有九年覃
精於此朴皇質雕唐文補帝典張王綱照臨若日月變化如神明善
政至于累百大功逾於數千辯者莫能悉談智者不可勝計為之而
不有視之以餘事洋洋乎旋乾闔而闢坤戶三代以來未之有也祖
功宗德自我光之文昭武穆自我長之辟雍明堂自我章之朱崖幽
垠自我荒之巍巍皇皇何以尚之當時斯也天下安於泰山神器重
於九鼎積勤宵旰速與晦明生民無祿昊天不弔我黃屋歎乘白
雲望車轍者猶徯乎東廵思軒臺者不敢以西向末予小子熒燿在
疚獲嗣丕訓罔知攸濟王公卿士稽合典禮以謂移御上官升祔清

廟于茲有日矣宜刊六經之文以聳八室之號夫聖而不可知者道之妙物無以稱者名之尊堯勛舜華尚文湯武并包眾美庶幾萬一是用滌鬮牲幣有請于郊人謀天同錫茲定命錢以玉冊藏之金匱薦于几道告于宗社於以示至公而彰大信施罔極而無窮謹遣通議大夫守尚書左僕射兼門下侍郎上柱國清源郡開國公食邑五千二百戶食實封二千二百戶蔡確奉玉寶玉冊上尊謚曰英文烈武聖孝皇帝廟曰神宗伏惟威靈在天對越于下於皇受之式時昭鑒維萬斯年永祚于後嗚呼哀哉

哲宗謚冊

維元符三年歲次庚辰七月丙寅朔三日戊辰哀弟嗣皇帝臣某謹再拜稽首曰臣聞神妙萬物故民莫得名尊無二上故下不得誅然有其迹者因名之所歸命于天者因誅之所從出是以詩書以來曰

帝與王生有不稱沒存顯號擬議形容蓋有不可廢者已恭惟大行
皇帝聰明剛健出於天縱深智遠識洞照幾微神考早弃萬邦屬以
宗社踐阼之日寔在幼冲委致簾幃恭默淵靜年甫及冠而猶況潛
用晦十年不言廟堂宗工左右携僕朝夕陪侍莫能窺其彷彿一旦
親政獨運神斷指顧號令聳動中外延登黜舊屏斥戎回威敵所加
雷迅電擊于是祖述先業詢圖治道熙寧元豐之際美政良法切於
世務便於人情可施于今可傳於後者莫不斟酌增損舉而行之中
嚴制度典刑振肅偷惰扶頽起廢填苴補闕品式防範粲然一新西
戎亂常侵侮邊吏狃於姑息日益驕熾赫然一怒收孽群策聽任裁
決終始不疑選將練兵指授方略寬其銜勅責以成效故王師所向
囊括席卷執俘斬馘動以千計橫山天都耕牧要地建麾列七十據
八九遺醜窮蹙後以孤弱情見力屈扣閭請吏而俯詢其志亟下詔

書與之休息隴右首帥接踵款塞殊鄰遠俗莫不震懾若夫祀一天
於園丘以克享上帝之心作新宮於方澤以終成昭考之志三講嚴
配希濶之典以親饗明堂載收館御圖像之容以祕藏內閣孟祀於
原廟則致恭進退不悻陟降之勤裸將于太室則揮泪歎歎有動人
之色內則躬率子職尊事兩宮容典儀物多所崇蓋至於仁心所加
惻隱善類嘗謂一言之失不可以廢人群小伺隙巧詆忠良而委曲
保全卒不使陷於橫議過英講讀至樂賢之詩則咨嗟稱頌推講官
於不次而寘之侍從之列彗星見象則側躬寅畏深饒輔弼以進賢
退不肖蒼天之戒適臣進對間有異論則締聽熟察灼見是非可否
之間必處其當詳延多士燕見紬繹寸長片善靡不褒旌從官褻御
作為竒欺雖素所優假行法不貸訪問疾苦勤恤民隱擇適以惠疲
瘵指帑藏發倉廩以振貧窮凶年荒歲經營拯救惟恐不及凡所以

事神治人曲盡誠敬孝愛之風昭格幽顯嘉言德意聞于在位文明
武烈見於有為天受神寶不求自至珍符瑞牒洋溢外府謂宜翁受
純淑永錫難老而視朝聽政不避凝冽積勤邁厲奄至彌留率土崩
心如失怙恃願惟耿質嗣服大統無窮追慕哀莫能勝因山告成先
遠卜吉清廟九室升祔有期節惠易名寶惟舊典率籲衆志稽謀于
天闡揚休數昭示來世以章可大之業以永無窮之傳謹遣攝太尉
特進尚書左僕射兼門下侍郎上柱國申國公食邑八千一百戶食
實封二千六百戶臣章惇奉玉冊玉寶上尊諡曰欽文睿武昭孝皇
帝廟曰哲宗伏惟靈德在天昭鑒不遠誕膺曲冊比隆唐虞錫羨邦
家萬世無斁嗚呼哀哉

宋朝大詔令集卷第九

宋朝大詔令集卷第十

帝統十

哀冊

太祖哀冊

維開寶九年歲次丙子十月甲午朔二十日癸丑太祖英武聖文神
德皇帝崩于萬歲殿旋殯于殿之西階粵以太平興國二年夏四月
辛卯朔二十五日乙卯遷座于永昌陵禮也仙馭將升哀歌暫闕晨
霞款曙於東方宿伏初辭於北闕揭丹旒以徐進闕素帷而待傲龍
輜雖命乎口留象物於焉而虛設皇帝增孺義以何極痛天倫之永
訣感在後之恩重愴陔崗之望絕瞻鳳翼兮非徊想龍鱗兮嗚啞爰
詔輔臣式揚徽烈其詞曰惟天有命惟宋膺期始情靈於五緯亦開
祥於二儀誕生仁聖俾毓蒸蒸作中原之真主啓萬代之丕基昔在

潛雖辱屈陷危蕭欽既授寅車載馳并汾盪寇淮泗行師威陵虎兕
氣懾熊羆功既成另不伐訟攸歸兮豈知天既咎周人皆戴舜乃御
乎乾乃出乎震某日上兮六合明慶雲升而萬物潤伐必有罪戾皆
不陣潞寇既夷江都俄盡帝業於是初獻皇猷以之克振乃發號令
乃奠寰區雷動天際風行海隅物無不諷人亦來蘇康我寶運赫矣
珎圖乃新宮闕法乎大壯乃肅郊祀受茲來貺乃立刑書百工觀象
乃正繁章八音交暢諸侯臻是以駭奔四海因燕而內嚮大風於是
泱泱大化以之蕩蕩若乃五材並用誰能去兵七德既懋玉于有任
爰命將帥載開襄瀛湖湘此殄巴蜀尋平百越受焚柴之禍三兵有
歸命之行四隩既宅萬物由庾功伴立極道濟道砥遐矣禍燹無得
齊名眈哉漢魏孰敢爭衡方篆玉以紀績佇沉金而生成俄鑄鼎於
荆岫忽乘雲於玉京蓋萬機兮久倦匪百疾兮能畀思軒臺兮如在

過舜樂兮無聲嗚呼哀哉有唐之末寓縣分裂逆既有開天惟生哲
驅萬旅之雄師制八方之餘孽俾保頸以獻琛或束身而就紼四海
以之會同三辰為之昭晰何萬世之功兮如此何九齡之夢予杳絕
未訪道於洞山已遊神於禹穴嗚呼哀哉驚翻雜駟驚車已乘想烏
耕於舜葬稽鵠語於堯崩山獻壽兮安可信時祈年兮何足徵終顧
命於玉几虛納冊於金縢嗚呼哀哉同軌斯來因山是小陪鶴馭於
維嶺闕傾曦於昧谷悲風空揚兮蕭笳宿露已凝於林麓難脫徒於
人寰永垂芳于帝籙嗚呼哀哉漢堂渭北周堊岐陽或四百餘祀或
三十六王矧惟洪烈諒集休祥壽原極謹景祚無疆期卜年兮卜世
與地久兮天長嗚呼哀哉

太宗哀冊

維至道三年歲次丁酉三月乙丑朔二十九日癸巳太宗神功聖德

文武皇帝崩于萬歲殿旋殯于殿之西階粵以十月壬辰朔十八日
已酉遷座于永熙陵禮也初啓殯塗風陳備物萬國來庭于宮執紼
殘日暉於素帷朔吹生於元律列天仗以啓行啓宮車而將出孝子
嗣皇帝臣某仁孝純至創鉅痛深攀號造奠惻怛亮心感血泣以交
墜若哀憂之弗任乃命宰執奉揚德音詞曰五代以選戰爭交起上
天眷命與民更始皇宋肇基誕膺繁祉我后重熙繼天奉理將泰黎
元先制齊穴恢張睿略震耀武功柔懷越激親殄邊戎四夷奉贄八
表承風神化天下繼清域中敷教遐被車書混同而猶躬躬覽萬幾焦
勞庶政辨論官材勤恤民病爰念刑章實懸人命務盡哀矜必惟公
正九服歸仁百靈助聖而霽皇恩風宣時令文武萬品提封四方一
夫之不獲一士之所長必從拯濟亟示明教天覆地載禮具樂張一
耕帝籍五郊上蒼且年薦瑞群物交祥多能天縱盛德日新飛翰延

閣橫經上庠草隸垂于世範歌詞播于樂章學充天人之際文勝日月之光神功不宰聖智無方高視前古輝映百王將欲登封岱岳布政明堂方怡神於姑射俄寢疾於未央成荆山之鑄鼎往蒼梧而陟方嗚呼哀哉君臨二紀澤浸四維天崩杞國日墜崦嵫綴衣在御脫履如遺遵憑几之顧命抱遺弓而涕泣烏抃增感龍去難追百姓摧心徒行號而巷哭三辰失色競而泣而風悲當華渚之誕月是輕輶之去時嗚呼哀哉見同軌之咸臻訢主元而永訣雙闕展儀六龍就列旌旒蔽空而色慘笳挽沸天而韻咽照鷺羽兮寒日悠揚飄鳳翼兮哀靄淒切嗚呼哀哉薦犧鐔兮已畢儼龍輅而下來出清禁兮顧慕臨馳道兮徘徊莫覩冕旒於秘殿空送冠劍於夜臺宸儀肅肅兮想如在仙馭遙遙兮去不回嗚呼哀哉勢接高峯地鄰洛宅蕭蕭陵邑兮草樹寒寂寂寢園兮霜露白緇停靈駕兮萬邦歸一掩元扉兮

千古隅惟赫赫寶圖執執睿德致王道之一平布皇猷之四塞垂萬
葉之耿光亘萬代而為則嗚呼哀哉

真宗哀冊

維乾興元年歲次壬戌二月庚子朔十九日戌午真宗文明章聖元
孝皇帝崩于延慶殿三月庚午朔四日癸酉旋殯于殿之西階粵十
月丁酉朔十三日巳酉遷座于永定陵禮也桂殿颺迴蓬壺景滅舜
方之先遠有期萬服之來賓永訣孝子嗣皇帝臣某雲望如疑天瞻
逮絕號弓之慕山積執紼之哀川咽杳御辦之寬軒攀上霄之霞輟
哽戀清光仰懷鴻烈爰申命於宰衡以恭揚于聖哲其詞曰兮是立
極華夏歸德太祖膺之四海文命黎民時雍太宗紹之三葉嗣興重
熙繼明道大天大奉之作程曰勤曰儉守之立誠無私臨照得一清
寧政疑多能溫恭濟聖三善克脩萬邦以正明皇歡承嗣帝慶尹

茲千里表乃四方惠均閭閻洽康莊纂承厥初先宅爰始物物來
斯師師仰止淵默雷敷風清草靡行天子之孝以之感人用百姓為
心以之致治事無過舉言必度思對越后帝載懷載祇肅雍陵廟是
享是儀執契居尊握圖布政百度允釐萬方惟命馭巧為懷靡矜全
盛烹鮮是師庶臻大定哀念必罰心乎在寬恭慎出令慮乎行難是
作中典訓茲理官爰聞三而有此黎元屬心希徽凝神惚恍樂只無
何寂兮周象瑞拱穆清獨觀昭曠軫慮邦本周爰率賚以力勸播如
傷視民薄歛里粟全祛筭緡延登俊良東擢翹秀盡副樂育無遺英
毅七德奚武五兵匪佳惠養生植業懷適遐納責無垠交歡有北戍
卒餘閑野農休息展豫觀風宣條問俗涖賜耆艾撫存悻獨亡國之
後保其舊族死事之孤隆其賦祿游心藝學著意典墳際天博達冠
古多聞雅尚立言秉精秉訓汗簡光華刻金英潤登高必賦遇物有

成珪璧六府絜篋七情五射神傳八法天縱呈摘帝猿烟毫舞鳳不
二妙本正一淵宗舉世與照為人指炭罔將以時燕處以禮出則怡
怡居則濟濟嚴恭真聖奉本神靈欽明國典翊薦德馨微福蒼黔祈
祝太紫十極監觀百嘉效祉玉水發源珠星循軌溫麥兩岐周禾九
穗奇樹交柯寶芝連理瑞命至重乾文獨尊錫慶皇祚呈祥帝閣積
德下著殊勲上存簡易可久清淨是敦治定功成奉符展采上儀聿
修盛德斯在景從庶邦風方寰海駉馭飛龍軒墀卿霜六轡遵述詎
詞持響群后述職銜軸相望清蹕躋躋湛恩曠蕩祇款鄧壤祀事孔
嚴弭蓋洛宅山園載聽孝思不獲容物具蕙舉燎坎牲茲體至大配
侑祖宗無曠三載堯禋共樂漢飲多歡駕有懌懌比戶安安盡美升
聞至真臨降觀時時容恭瞻習伏賜飲瑤漿延陪黼帳琢玉騰文鎔
金肖像猶龍上聖指李仙鄉肅增徽稱且卷玉祥琳館肇新琅函斯

祕玉帝寶冊瑤壇裡類永惟主營崇建元良大本有繫斯人用康風
夜寅威若靡寧處肝是勤叨遺茲弗豫方乘裳兮穆如忽脫從兮弄
去嗚呼哀哉悠悠穹蒼哀哀父母幅員土宇廓然兮無親億兆生聚
茫然兮何由同軌道窳窮荒縞素慟級馬於宮車帳衣冠於要路嗚
呼哀哉太筮襲吉容成戒期望長陵而慘慘登卑陌以遲遲銘旌露
泣鹵簿風悲儼時巡之仙仗護川逝之宸儀嗚呼哀哉攀鼎龍兮靡
皇瞻恆鳳兮何有霜封定緯塵飄絮柳雲蒼梧兮不遠日淡谷兮難
就哭象物以淒魂拜烏耘而迴首惟盛德與大功同天長而地久嗚
呼哀哉

仁宗哀冊

維嘉祐八年歲次癸卯三月癸卯朔二十九日辛未仁宗神文聖武
明孝皇帝崩于福寧殿旋殯于殿之西階粵十月戊辰朔六日癸酉

遷座于永昭陵禮也龍馭賓天珠襦留殯萬方之軌同臻七月之期
茲近法伏已嚴靈輜未進風雲慘鬱以生悲臣妾涕號而思殉孝子
嗣皇帝臣某接統承堯念親臨舜非徇象物驚禁從以如存推慕仙
遊致哀誠芳必畫繫臨奠以長辭蓋終天之永恨乃命弼臣以文傳
信其詞曰惟宋受命與天無疆藝祖以武成之四方太宗以文萬邦
一玉真廟紹隆赫然其光逮夫仁宗並熾而昌厥生之初上帝惟祐
天日之表振古未覩色出圭璋步嚴龍虎其得真人來紱下土允良
之建已豈是主寢門之問惕若文武嗣訓之循纂承丕緒左右獻后
以敬自處大運歸乾獨化陶甄進良黜其始彰聖權其仁如天其度
如淵其仁伊何得之自然草秀而茁蟲飛而翔尚不忍傷况吾民焉
惠澤之霈滂洋幅負物無不滋四十二年倚如天弓化功則全其度
伊何汪然莫際巨細必容然分誠為臣在言職不知諱忌時肆詆訐

衆嫉狂易聖心怡然曰此忠義是也吾從過焉何矣將如淵兮是能
致治明慎庶獄極于哀矜惟法所在未嘗妄刑郡邑之吏責之詳平
一失入罪無階顯榮尊為天子以儉為貴崇尚清虛屏斥紛麗尚綠
不擇輔臣入視殿帳蕭然茵衾故弊率用繒素子無文綺衆目驚嗟
上曰何謂吾之受用素止如是此民膏血焉敢妄費恭事天地孝承
祖宗九視園丘再祫合官大禘于廟親藉于東版器精備染盛潔豐
小次不御東書馬馮何必戶曉民胥偃風取士之器務在至公十二
臨軒策之必躬雋髦盡得巖穴幾空有將有相曰功曰庸取視三代
吾其比崇北敵之強西夏之獬時設跳梁恣其貪嗜吾以威懷折其
凶銳而皆搖尾從我羈解百蠻梯航琛賫日至禮樂具備干戈不試
夫惟立嗣天下之基前世令王或率以私事不前定須于亂危我出
獨斷挺然不疑求賢于宗唯聖是知神器之重其傳有歸廟社以安

生靈以嬉迹其大功堯舜之為昔在人上必有偏好或樂馳逐或喜
征討或務宴遊或專崇造或過散色或泥丹龜茶奕之工擊拂之妙
有一于此下從而效噫吾仁宗澹無所樂曰吾好者在勤政道曰必
旰食惟先之紹間時弄翰或隸或草聖掃之揮子奇萬巧去冬之暮
清燕之間再開天閣詔呼從官親作飛白侍臣縱觀心合造化生成
筆端書幅踰百大均寵領退塵群玉行觴盡歡嗚呼哀哉賜墨高湛
宸章未刊植壁斯虔遠有金縢之禱綴衣遂撤俄承玉几之言嗚呼
哀哉大變之來天傾地裂四海之慟風號雨血兆民震駭其無生百
辟冤呼而僅絕乘雲之游兮汗漫而自高持顛之慕兮僵仆而徒切
固疑前會之非常似與群臣之叙訣嗚呼哀哉候律云凜諷辰協元
儀宸輅兮以方駕視羽幢兮始前池竹搖雉車旗飾纓尚背朱雀之通
達指青龍之吉山關路長兮去復去宮車晚兮還不還痛徹六宮兮莫

如逝淡灑重瞳兮胡可攀嗚呼哀哉終曰晝昏愁陰夜積卷晴霓於
升旒蕩霜波於素帶哀笳互咽六州之奏增悽峻嶽前瞻萬歲之聲
何聞大隧一扁幽堂永寂人間之帳空長帝所之歡豈極嗚呼哀哉
秦漢而下御邦于民身絕三紀纔聞教君其間治亂以相馭否亨之
不醇如仁宗享國之久而始終太平兮彼安敢望吾之清塵生而無
窮者厚載健而不息者高旻惟至仁盛德與高厚之俱兮萬世巍然
而不泯嗚呼哀哉

英宗哀冊

維治平四年歲次丁亥正月庚戌朔八日丁巳英宗憲文肅武宣孝
皇帝崩于福寧殿旋殯于殿之西階粵八月丁未朔八日甲寅遷座
于永厚陵禮也厝在而帝焉成則仙四海驚推兮猶考妣之喪也群
臣號慕兮有衣冠之奠為哀伏初肅靈輅即前孝子嗣皇帝臣某永

念罔極痛深所天覩象物兮如在挽宮車兮莫旋一奠之設兮既已
悲霄壤之隔萬古將信兮又將假文字之傳乃命臣珩繼之以言其
詞曰惟宋之典祀踰百年聖聖相授前叢後軒於穆英宗其承赫然
嗣世惟五應期則千厥初在藩潛德固異惟善吾樂惟學吾嗜朝夕
詩書寤寐仁義顯心聖賢舉趾孝悌官之否臧民之病利必詢而得
不在康濟明哉仁廟知子其至推堯之心乃命主器曰非所當駭然
懇避敦迫踰年始辭即第高世之行寔出文帝既紹統業大猷日新
於父之道以持以循於母之養以齊以勤欲泰天下儉吾一身衣必
屢浣食皆屏珍府有餘積賜無橫緡損約邦用深虞害民不戶而化
咸歸至淳壺內之制有妃有嬪位號之等其詳可聞吾志不備蕭然
禁宸侍左右者故宮幾人為治之本先乎睦親不愛苑囿衆居以均
大典學校群心自馴首善之勸于何不臻荷天之休所報惟懇承先

之祐其事彌收始見郊廟陰慝前作霖霖累旬朝位皆愕謂宜改為
言者交錯聖心益堅夙夜祗若及期而祀景氣澄廓至誠之應者維
歌樂庶政思又萬幾必躬一介之細惟審而後下一言之善則需然
是從覽四方之奏率至于夜艾訪前殿之對勃踰於日中協虞舜聰
明之聖盡漢宣綜核之公好文之盛前無比崇籍兵之廣寓之在農
既恢隆於素教又振宣於武功於是西之悍羌北之強敵威德所加
望風奪魄陰謀戎備斂藏奮擊奔走間者伺吾策盡惟固結於明誓
幸保全於沙磧若使天錫洪休壽終遐厯則累世之敵不教養而盡
更二國之驕有一朝而掃迹柰何歲俯經於再閏年未借於不惑帝
卿甚邈遽樂白雲之遊路寤斯巖忽預彤裳之冊得非嗣聖當發興
符有聞啓宏規於厥後俾大治於將來太平之功既遺已而不有億
兆之衆徒拆天而盡哀嗚呼哀哉違豫之來憂民不替翦賦即災寬

刑濡惠親揮宸筆以定儲位明聖志之在先伴群情之大慰謂勿藥
兮宜瘳何與齡之終矣嗚呼哀哉太筮諏吉肅辰正秋下廣由而將
旦即太升而弗留臣庶攀慟風雲慘怛背紫臺之業繫龜丹旌之悠
悠萬乘銜悲睇斜暉之莫返六宮灑泣雜暮雨以難收嗚呼哀哉榮
園宵巖沉閣朝啓登嶺道之縈回賦翠郊而迤邐池魚輕躍於惟恍
迹露淒流於心耳氣暝歎山陰凝洛水方開萬歲之阡已湊諧侯之
軌姬儲素寡何須銅雀之為珠玉弗藏匪有金龜之侈嗚呼哀哉會
聖臨方永昭時帝待仙遊之縑緞適帝所以軒翔名素在於真籙迹
空留於壽堂百年之間自比軒莖之畏肅九疑之下幾瞻耘鳥之飛
揚德固不朽慶方大昌惟英主之號自我而獨得兮宜與天而共長
嗚呼哀哉

神宗哀冊

維元皇八年歲次乙丑三月甲午朔五日戊戌神宗英文烈武聖孝
皇帝崩于福寧殿旋殯于殿之西階粵十月壬戌朔六日丁卯遷座
于永裕陵禮也法伏宿陳柳宮徐引前翻抗歷車動軫孝子嗣皇
帝臣某奠送大庭號訣中徑顏瞻象物耿然光靈去華日之昭昭即
閔闋之冥冥紀我先烈屬茲近列寥廓登聞其可殫述庶彷彿其遺
塵示至天之大律其詞曰皇矣上帝既厭五季乃眷藝祖授之神茲
朱旗所指降王四至施及太宗九服會同真昭仁穆涵濡蕃育既安
既久豈無敵俗英祖慨然救溢扶偏玉冊方鐫白雲已仙神宗亟批
天之所開龍顏日角大略雄才帝出乎振其明斤斤黃屋非心宅道
之深緒餘土苴以應天下建用皇極威福惟辟為律為度人斯觀德
奉親怡怡睦于宗支省禮黃髮登賢拔奇紹志無莠邁敷有為翁張
消息注錯設施顯仁藏用妙合兩儀王政之行民厚厥生弛除力役

勸相農耕取陳邱之視環均征清弭浮情推抑兼并九功以叙百室
 其盈迺建大學以迪後覺發揮道真彫燕反朴迺嚴二郊奠璧厲祀
 簿盛甘泉樂造大誓迺開明堂宗祀孔揚登配一天復周舊章迺作
 厚廟士物致孝館御列聖法朝遠院迺辦百職循名考實董正三省
 緝熙庶績謀吏蕭章滅私偃室化墨為庶以勞制食衆言敬亂聖學
 是列謀陋肅城義高虎亂卓乎英藻煥乎寶翰如河出圖如天有漢
 變火曠詐古稱捐夏神謨武烈莫予杆者教士連營伍符寓野于畫
 竒正風雲變化黃帝振兵宣王選馬北懼天山西澄玉闕南收九漢
 克發三韓重譯辰頁舊疆復還汚彼洛水來自熊耳清貫三都漕通
 萬里匪禹之績絲我而始竭害興利修廢起墜規摹宏遠品式具備
 下迄百工必善其事和弓兒戈亦足傳世太平之効斯民皞皞天用
 降康地無愛寶靈芝焯煜嘉禾芳草澤及肖翹况乎倪耄駿功推而

不用徽名却而不受不遜散色不新銘固十有九載無荒無怠決事
日昃擊章夜艾豈積勤而致厲將隘俗而厭代嗟冊祝兮何及竭遠
游兮安在窮萬國兮荼毒悽百靈兮震駭已虛壁悵之巖凝徒望昂
湖之濘溫嗚呼哀哉律變星移春遷秋去仍几想以猶新同軌驚其
畢赴綃幕振於寒飈麻衣迷於苦霧迫遠日以摧心損初陵而啓路
嗚呼哀哉畫漏上兮燎火微降前殿兮背端闈捧雲蓋予動奎翬駕
金根兮載龍旂紛千乘兮萬騎羅羽林與飲飛扈清蹕以如昔送終
天而不歸嗚呼哀哉歷鄭園兮揚懿登虎牢兮按節轉旌旗兮遠迤
流蕭瑟兮悽咽臨西邑之山川邈沒都之宮闕嗚呼哀哉儉遵末命
吉卜新宮金匱不藏於泉下玉衣初幸於方中痛既掩兮大隊愴空
回兮六龍神既起兮倒影甚首對兮青嵩嗚呼哀哉御寶歷以有期
始真人兮獨知觴集英而示之以主卷之嗣眺延春而悠然有陵雲

之思託燕謀於文母保興運之皇基猗盛德與大業非至人曷孰與
於斯嗚呼哀哉

哲宗哀冊

維元符三年歲次庚辰正月戊寅朔十二日己卯哲宗欽文睿武昭
孝皇帝崩于福寧殿旋殯于殿之西階粵七月丙寅朔二十日乙酉
遷座于永泰陵禮也龍輜撤奠靈車載路風占速日之良將即因山
之固二儀改色以雲慈四海消心而涕慕哀弟嗣皇帝且其義隆繼
體創深陟崗為因心於致美欽盡禮於方喪仰神靈之如在痛衣冠
之永寂乃命弼臣具揚烈光其詞曰惟天祚宋惟宋配天祖功宗德
以道相洽子繼弟及以聖相傳化洽區宇治登古先於穆哲宗垂運
應期岐嶷聖質循躋天資爰在幼齡遂纂丕基神器有屬人心不危
孰其徽柔任以恭默玩心神明下大教色梅若冲機昌從而測澹然

衆美莫知其極量固參於天地功永孚於社稷迨乾綱之獨運申箕
令而風從萬微以決一言乃雍監觀治本允成聖功凡設施于天下
已素定於胸中深察朋比給為姦欺擅國不道罔上徇私交修舊怨
釋憾一時俾正邦憲用垂世規國是既定王威以強孰敢項領以袂
斧折前律後令小紀大綱法行不撓治具必張遠撫旁招公聽一視
翁受九德樂育多士培植無黨使能以器懲虛譽於巖言擢異才於
不次昔在神考緝熙庶績農服先時士守常職官無濫名法有成式
乃者紛更莫不僭志趨異為賢惟變是力民彝攸斁衆聽卒惑帝用
盡然孝思維則有壞必舉既廢斯植其遵貽謀益顯休德昔在神考
兼撫四夷丕昭聖武伐罪正辭駭彼犬羊固我邊陲通者廢弛大興
謗疵盡弃險阻以壞藩籬羗勢益張不可指麾帝用赫然聊命偏師
授纆以縛折箠而笞舊壞加斥勝筭無道違神考之制而揚功繼神

考之志而述事格典不刊治効已試文宗武煥外寧內治殊方知中
國之尊萬物蒙大君之賜惟德之隆惟孝之至致嚴郊社修敬宗祊
利經考古備物致誠原制作於義起潔精意而力行一代之典既具
三王之制復明智崇於天仁根所性時敏道學日躋聖敬報德助學
問安溫清致色養於兩宮示本敬于百姓嗟功業之日懋弃春秋於
禹盛嗚呼哀哉地不愛寶天方降康玉璽呈瑞神也効祥集珍符之
逆逆何靈貺之茫茫蓋文王之壽或損而周世之下采長嗚呼哀哉
憬彼藩酋請降納上靈臺頌偃伯之詔端門受銜璧之俘盛事久廢
大儀斯舉方茲累足而至不及重瞳之親嗚呼哀哉聽斷忘疲憂勤
致厲方効金縢之祝已聞玉几之誓鑄鼎遼成脫屣俄逝乘白雲於
帝鄉道黃屋於人世嗚呼哀哉喪仗倒素蕭笳薦悲菲歌遠發柳翼
前馳背高闕之岑堯遵去路以逶迤極愛兄於仁抱慟哭子於母慈

嗚呼哀哉祖於廷方路較引既發方難攀望秋景方益遠懷幽室于
不還銀鳧閉芳長夜寂銅麟跼方白日閑已掩弓劍永想威顏嗚呼
哀哉君臨天下十有六年德澤浸乎含識休聲振乎無前軒昊接踵
堯虞此肩噫壽筭之奄忽方起萬方之沉寃煥譽哲之號名方旦億
世而不窳嗚呼哀哉

宋朝大詔令集卷第十